



MICHELSEN

ÚRSMÍÐIR SÍÐAN 1909

Laugavegur 15 - 101 Reykjavík
511 1900 - www.sviss.is

tudorwatch.com



TUDOR FASTRIDER



TUDOR

WATCH YOUR STYLE



Timing Partner

MARKAÐURINN

Miðvikudagur 9. janúar 2013 | 1. tölublað | 9. árgangur

Sími: 512 5000 | [visir](http://www.visir.is) www.visir.is

Áratuga forskot
með Svaninn!

GUÐJÓNÓ
VISTVÆN PRENTSMÍÐJA
Sími 511 1234 • www.gudjono.is

KONUM Í STJÓRNUM FJÖLGAR HÆGT

→ **Fimmtungur stjórnarmanna allra fyrirtækja er konur.**

→ **Hlutfallið var tíu prósent fyrir þremur árum.**

→ **Fyrirtæki með konur í stjórn fara síður í þrot.**

77,94%

STJÓRNARMANNA ERU KARLAR.



22,06%

STJÓRNARMANNA ERU KONUR.

Heiðar Már búinn að selja helming bréfa sinna í Vodafone

Ursus ehf., félag í eigu fjárfestisins Heiðars Más Guðjónssonar, hefur selt um helming þess hlutfjár í Fjarskiptum, móðurfélags Vodafone, sem hann keypti í hlutfjárútbóði fyrir skráningu þess.

Alls keypti Ursus 4,7 prósent í félaginu í útböðinu en virði þess hlutar var 491 milljón króna. Bréfin voru tekin til viðskipta 18. desember og á þeim tíma var Ursus þriðji stærsti eigandi Fjarskipta. Félagið var auk þess eini eigandinn á meðal þeirra 20 stærstu sem voru í eigu einstaklings.

Samkvæmt yfirliti frá Kauphöllinni yfir stærstu hluthafa félagsins þann 27. desember kemur hins vegar fram að eignarhlutur Ursusar hafi verið kominn niður í 2,3 prósent. Félagið er nú áttundi stærsti eigandi Fjarskipta. Gengi Fjarskipta hefur hækkað úr 31,5 krónum í 32,80 krónur frá því að félagið var skrá á markað.

- þsj

Íslenskir aðalverktakar aftur að fullu í eigu erlendra aðila

Íslenskir aðalverktakar eru á ný komnir að fullu í eigu svissneska verktakafyrirtækisins Marti. Marti keypti verktakahluta Íslenskra aðalverktaka af Arion banka árið 2010 en seldi síðar sama ár samtals 50% hlut í fyrirtækinu til stjórnenda Íslenskra aðalverktaka, Karls Þráinssonar og Gunnars Sverrissonar, sem borguðu fyrir hlutinn með 200 milljóna kúluláni frá Marti. Marti keypti hins vegar eignarhlut þeirra Karls og Gunnars aftur árið 2011 og gerði upp lánið.

- síða 4

Auður I kaupir í Gámafélaginu

Auður I, fagfjárfestisjódur Auður Capital, hefur keypt nýtt hlutafé í Íslenska gámafélaginu og þar með eignast helmingshlut í félaginu. Fyrir kaupin var fyrirtækið að 35% í eigu Eignasafns Seðlabanka Íslands og að 65% í eigu ýmissa fjárfesta, þar á meðal nokkurra af stjórnendum fyrirtækisins.

Auður I, sem fjárfestir í hlutabréfum óskráðra fyrirtækja, er þar með orðinn fullfjárfestur en hann er 3 milljarðar króna að stærð. Sjóðurinn á nú hluti í átta fyrirtækjum, þar á meðal Ölgerðinni, Já og Securitas.

- mbl

Sjónmælingar í Optical Studio

Tímamantanir í síma:

Optical Studio í Smáralind, 5288500

Optical Studio í Keflavík, 4213811

Optical Studio í Leifsstöð, 4250500

Optical Studio
SMÁRALIND • LEIFSTÖÐ • KEFLAVÍK

Fróðleiksmolinn




Háskólamenntun: Ísland og umheimurinn

Á myndritinu hér að neðan má sjá tölur frá World Bank yfir hlutfall íbúa, 25 ára og eldri, sem lokið höfðu við háskólagráðu árið 2010.

Íslendingar eru í 14. sæti listans með 18,3% en Bandaríkjamenn eru efstir með 31,6%.

Hlutfall íbúa 25 ára og eldri með háskólapróf (%)



Heimild: World Bank
http://data.is/Wt6ZvR


Athyglisvert er að bera saman skiptingu útskrifaðra háskólanema eftir námsbrautum, til dæmis á Íslandi og í Japan. Sá samanburður sýnir að hærra hlutfall háskólamenntaðra Japana en Íslendinga er með gráðu í verkfræði og þjónustugreinum.

Aftur á móti er hærra hlutfall háskólamenntaðra Íslendinga með gráðu í félags- eða menntavísindum.

Menntun háskólamenntaðra eftir námsbraut

Ísland:

Japan:



Dagatal viðskiptalífsins



Miðvikudagur 9. janúar

→ Erlend staða Seðlabankans | hagtölur Sí

Fimmtudagur 10. janúar

→ Skattadagur Deloitte, SA og Ví

Mánudagur 14. janúar

→ Gjaldryisforði og tengdir liðir | hagtölur Sí

Þriðjudagur 15. janúar

→ Atvinnuleysi í desember 2012

Mánudagur 28. janúar

→ Verðbréfavíðskipti | hagtölur Sí
→ Staða markaðsverðbréfa | hagtölur Sí
→ Íslandsbanki | uppgjör síðasta fjórðungs 2012

Allar markaðsupplýsingar eru aðgengilegar á vísir

Athugasemd frá Pétri Einarssyni, forstjóra Straums:

Stærsta skráning frá hrúni

„Í tilefni umfjöllunar Markaðarins um útböð Eimskips á síðasta ári óskast að eftirgreindu verði komið á framfæri:

Af fjórum skráningum á Íslandi frá hrúni var Eimskip langstærst en markaðsvirði við skráningu var 40 ma.kr. á meðan önnur útböð hafa verið á bilinu 10-16 ma.kr. Þá var skráning Eimskips stærsta skráning ársins í kauphöllum Nasdaq OMX á Norðurlöndum. Í útböðinu til fagfjórfa var um 50% umframeftirspurn og í almenna útböðinu var um fimmföld eftirspurn.

Í nauðasamningum Eimskips 2009 var gengi félagsins um 135 krónur á hlut en í útböðinu nú var gengið 208 á hlut sem er yfir 50% hækkun. Engu að síður hefur

gengið hækkað um 20% til viðbótar frá skráningu. Þessi mikla eftirspurn og jákvæða verðþróun sanna vel heppnað útböð og sýna fram á þann mikla árangur sem stjórnendur Eimskips hafa náð í rekstri félagsins frá endurskipulagningu.

Hvað snertir framkvæmd útböðsins að öðru leyti liggur fyrir að Fjármálaeftirlitið framkvæmdi í kjölfar fjölmiðlaumfjöllunar ýtarlega athugun á þeim atriðum sem tiltekin eru í umsögn Fréttablaðsins án þess að gera athugasemdir við framkvæmdina. Umsögn um viðskiptin byggist þannig á fullyrðingum og sögusögnum um framkvæmd viðskiptanna, sem komið hefur í ljós að áttu ekki rétt á sér.“

Mikið líf á hlutabréfamarkaði í byrjun árs

Úrvalsvisitala íslenska hlutabréfamarkaðarins hefur hækkað um rúm 5% á fyrstu fimm viðskiptadögum ársins. Þá hefur meðalvelta þessa daga verið margföld á við meðalveltu ársins 2012.

VIÐSKIPTI

Magnús Þorlákur Lúðvíksson
magnusl@frettabladid.is

Mikið fjör hefur verið á íslenska hlutabréfamarkaðnum fyrstu daga. Fyrstu fjóra viðskiptadaga hans var meðalvelta á dag í Kauphöllinni 1.581 milljón króna en til samanburðar var meðalvelta á dag 355 milljónir í fyrra. Þá er veltan fyrstu fjóra daga ársins næstum tvöfalt meiri en öll velta janúarmánaðar í fyrra.

Á sama tíma hefur úrvalsvisitalan OMXI6 hækkað um ríflega 5% og rauf 1.100 stigun í fyrsta sinn eftir endurræsingunni í 1.000 stigum í upphafi árs 2009 eftir bankahrunið.

„Þetta hefur verið sérstaklega fjörugt undanfarna daga en þó má segja að markaðurinn hafi verið fjörugur alveg frá skráningu Vodafone um miðjan desember. Þannig var meðalveltan síðustu sex viðskiptadagana í desember einhverjar 1.200 milljónir á dag,“ segir Magnús Harðarson, aðstoðarforstjóri Kauphallarinnar, og bætir við: „Við höfum klárlega fundið að með nýskráningunum síðustu misseri hefur áhuginn á hlutabréfum sem fjárfestingarkosti verið að aukast. Ég verð þó að játa að þessi skyndilegi kippur hefur komið aðeins á óvart.“

Magnús bendir á að með fjölgun skráðra fyrirtækja hafi innlendi hlutabréfamarkaðurinn orðið raunhæfari valkostur við skuldabréfamarkaðinn. Þá hafi það sitt að segja að virk viðskiptavakt er með öllum nýju félögum sem eru orðin alls fjögur á síðasta rúma einu ári.

Ingólfur Bender, forstöðumaður greiningar Íslandsbanka, segir að virkni á hlutabréfamarkaðnum síðustu daga hafi verið óvenju mikil, ekki síst þar sem engar stórar viðskiptafréttir hafi birst þessa daga.

„Það eru hins vegar ákveðnir þættir í efnahagsumhverfinu sem eru að ýta undir aukna virkni hlutabréfamarkaðarins. Það er mikið af fjármunum sem eru fastir í krónum út af höftunum og fjárfestingarkostir eru fáir. En þetta á svo sem ekki sérstaklega við um þessa fáu daga sem liðnir eru af árinu,“ segir Ingólfur.


Daníel Svavarsson, forstöðumaður hagfræðideildar Landsbankans, tekur í sama streng og bendir auk þess á uppsafnaða fjárfestingarþörf lífeyrissjóðanna. „Þá hefur hlutfall hlutabréfa af eignasöfnum lífeyrissjóðanna verið frekar lágt. Það er því svigrúm hjá þeim til að auka við sig í hlutabréfum á kostnað skuldabréfa,“ segir Daníel og bætir loks við að hluti af skýringunni á aukinni veltu sé væntanlega einfaldlega sú að skráðum félögum hafi fjölgað.

Þá bendir Ingólfur á að hlutabréfamarkaðurinn hafi orðið áhugaverðari kostur í samanburði við skuldabréfamarkaðinn síðustu misseri. „Það voru mjög mikil tækifæri á skuldabréfamarkaði eftir bankahrunið. Bæði var verið að keyra vexti mjög hratt niður og þá var skuldabréfamarkaðurinn líka eiginlega eini virki eignamarkaðurinn sem var



KAUPHÖLL ÍSLANDS Fyrstu dagar ársins 2013 hafa verið með allra virkustu viðskiptadögum á hlutabréfamarkaði frá bankahruni.

HLUTABRÉFAMARKAÐURINN 2012-2013



Þetta hefur verið sérstaklega fjörugt undanfarna daga en þó má segja að markaðurinn hafi verið fjörugur alveg frá skráningu Vodafone um miðjan desember.

MAGNÚS HARÐARSON, AÐSTOÐARFORSTJÓRI KAUPHALLARINNAR

eftir. Þau tækifæri eru ekki lengur til staðar þar og því kannski eðlilegt að fólk beini sjónum sínum frekar annað.“

Spurður hvort vísbendingar hafi komið fram um að einstaklingar hafi verið að kaupa hlutabréf í meira mæli en áður svarar

Ingólfur að lokum: „Við höfum séð að innlán hafa aðeins verið að minnka og hlutabréfasjóðir að vaxa sem bendir til þess að áhugi almennings hafi aðeins glæðst. Mín tilfinning er þó sú að stofnanafjórfa standi að baki flestum stærstu viðskiptunum.“

RÝMINGARSALA

ÞÚ BARA MÁTT EKKI MISSA AF ÞESSU

VIÐ LOKUM SPORTBÚÐINNI ALLT Á AÐ SELJAST

- BYSSUSKÁPAR Á MIKLUM AFSLÆTTI
- FLUGUSTANGIR Á ÓTRÚLEGUM AFSLÆTTI
- RIFFLAR Á GRÍÐARLEGUM AFSLÆTTI
- VÖDLUR Á STÓRFENGLEGUM AFSLÆTTI
- SPÚNAR Á SVÍVIRÐILEGUM AFSLÆTTI
- GÆSAGALLAR Á LYGILEGUM AFSLÆTTI
- HAGLABYSSUR Á ÓHEYRILEGUM AFSLÆTTI
- GERVIGÆSIR Á MÖGNUM AFSLÆTTI
- HAGLASKOT Á SMÁAFSLÆTTI
- VEIÐIJAKKAR Á OFSAFENGNUM AFSLÆTTI
- FLUGULÍNUR Á SVAKALEGUM AFSLÆTTI
- VEIÐIHJÓL Á HRIKALEGUM AFSLÆTTI
- TAUMAR OG SÖKKENDAR Á AFSLÆTTI
- KASTSTANGIR Á KLIKKUÐUM AFSLÆTTI
- STRANDVEIÐIHJÓL Á MIKLUM AFSLÆTTI
- KAYAKAR Á FLOTTUM AFSLÆTTI

FULLT AF ALLSKONAR Á HÁLFVIRÐI

**OPIÐ TIL 18 FÖSTUDAG
10 TIL 16 Á LAUGARDAG OG SUNNUDAG**

**Við lokum Sportbúðinni
í janúar. Allar vörur á
miklum afslætti.**



SPORTBÚÐIN

KRÓKHÁLSI 4 - 110 REYKJAVÍK - SÍMI 517 8050

MÁN. TIL FÖS. - 10 TIL 18 /// LAU. - 10 TIL 16

Klak – Nýsköpunarmiðstöð atvinnulífsins:

Eyþór Ívar Jónsson hættur sem framkvæmdastjóri Klaks

Eyþór Ívar Jónsson, sem gegnt hefur starfi framkvæmdastjóra Klaks – Nýsköpunarmiðstöðvar atvinnulífsins frá því í febrúar 2008, hefur látið af störfum. Þetta kemur fram í tilkynningu frá honum sem birtist á heimasíðu Klaks í gær.

Klaci er ætlað að vera samfélagslegur vettvangur atvinnulífsins í nýsköpun. Fyrirtækið skilgreinir hlutverk sitt þannig að það eigi að efla samkeppnishæfni, verðmætasköpun og nýsköpun í íslensku atvinnulífi. Klak, sem er í 100 prósent eigu Nýherja, tapaði 13,3



EYÞÓR INGI JÓNSSON

milljónum króna á árinu 2011 samkvæmt síðasta ársreikningi sem fyrirtækið hefur skilað inn. Í tilkynningu Eyþórs kemur hins vegar fram að Klak hafi skilað hagnaði á árinu 2012.

Þar segir einnig að hann hafi ákveðið að láta af störfum eftir næstum fimm ára „maraþonsprettthlaup“. „Þetta er góður tímunktur. Klak skilar hagnaði og það er búið að tryggja reksturinn til næstu tveggja ára, það eru stór og mikilvæg verkefni á dagskránni sem er búið að fjármagna. Klak mun eflast næstu misserin.“

- þsj

Um helmingur ungra Grikkja og Spánverja án vinnu:

Atvinnuleysi eykst milli ára innan ESB

Atvinnuleysi í löndum Evrópasambandsins (ESB) var 10,7 prósent í nóvember síðastliðnum. Innan þeirra 17 landa sem eru aðilar að myntbandalagi sambandsins er atvinnuleysið aðeins hærra, eða 11,8 prósent. Til samanburðar var atvinnuleysi á Íslandi 5,4 prósent á sama tíma. Þetta kemur fram í nýjum tölum frá Eurostat, hagstofu ESB.

Atvinnuleysi hefur aukist innan sambandsins á milli ára. Í nóvember 2011 var það 9,9 prósent og hefur því aukist um 0,9 prósentustig. Atvinnuleysið hefur aukist í 18 aðildarríkjum, dregist saman í sjö og nánast staðið í stað í Danmörku og Ungverjalandi.

Atvinnuleysi er gríðarlega mikið á meðal fólks undir 25 ára í ESB-löndunum en 5,8 milljónir manna sem falla í þann flokk eru án atvinnu. Það gera 23,7 prósent allra innan hans. Minnst er atvinnuleysið á meðal ungra Þjóðverja (8,1 prósent), en mest á meðal ungra Grikkja (57,6 prósent) og Spánverja (56,5 prósent).

- þsj



MERKEL Atvinnuleysi er minnst á meðal ungs fólks í Þýskalandi Angelu Merkel kanslara.

Skuldatryggingarálag ríkisins lækkað um 30% frá júlí:

Skuldatryggingarálag ríkissjóðs lækkar enn

Skuldatryggingarálag ríkissjóðs hefur haldið áfram að lækka síðustu daga. Mælist það nú 172,7 stig og hefur ekki verið lægra síðan í júní árið 2008. Álagið hefur lækkað um hátt í 30% á hálfu ári.

Skuldatryggingarálag er ágætur mælikvarði á gjaldþrotahættu ríkissjóðs. Álagið er raunar það vaxtaálag sem fjárfestar krefjast á skuldabréf ríkissjóðs sem umbun fyrir þá hættu að ríkissjóður geti ekki staðið við skuldbindingar sínar. Lækkandi skuldatryggingarálag bendir því til þess að áhyggjur fjárfesta af skuldastöðu ríkisins fari minnkandi.

Skuldatryggingarálag ríkissjóðs var lengst af undir tíu punktum en fór að hækka verulega þegar áhyggjur vöknudu af stöðu íslenska bankakerfisins í aðdraganda bankahrunsins. Í kjölfar þess fór álagið hæst í 1.500 punkta, jafngildi 15 prósentustiga álags, en hefur farið sífellt lækkandi síðan ef frá er skilinn kúfur haustið 2009.

- mþl



ARNARHVÁLL Áhyggjur fjárfesta af skuldastöðu ríkissjóðs hafa farið lækkandi síðustu misseri. FRÉTTABLAÐIÐ/ANTON



HARPA Harpa var meðal verkefna sem Íslenskir aðalverktakar unnu að þegar Arion banki seldi verktakahluta fyrirtækisins til svissneska fyrirtækisins Marti. FRÉTTABLAÐIÐ/GVA

Íslenskir aðalverktakar á ný að fullu í erlendri eigu

Svissneska fyrirtækið Marti er að nýju orðið 100% eigandi að ÍAV. Félagið keypti verktakahluta félagsins af Arion banka árið 2010 en veitti stjórnendum félagsins lán til kaupa á 50% hlut.

VIÐSKIPTI

Magnús Þorlákur Lúðvíksson
magnusl@frettabladid.is

Íslenskir aðalverktakar eru á ný komnir í 100% eigu svissneska verktakafyrirtækisins Marti Holding AG. Marti keypti verktakahluta Íslenskra aðalverktaka af Arion banka árið 2010 en seldi 50% hlut í fyrirtækinu til stjórnenda félagsins, þeirra Karls Þráinssonar forstjóra og Gunnars Sverrissonar, forstjóra ÍAV Holding, síðar sama ár.

Karl Þráinsson staðfesti við Markaðinn í gær að þeir Gunnar hefðu nú selt eignarhluti sína í fyrirtækinu aftur til Marti. Raunar veitti Marti þeim Karli og Gunnari lán fyrir kaupunum á sínum tíma og hefur það lán nú verið gert upp.

Íslenskir aðalverktakar fóru eins og mörg önnur fyrirtæki illa út úr bankahruninu og skuldaði Drög ehf., þáverandi móðurfélag Íslenskra aðalverktaka, Arion banka alls 28,1 milljarða króna í árslok 2009. Þá var eigið fé félagsins neikvætt um 20,3 milljarða. Í kjölfarið leysti bankinn félagið til sín en fyrri eigendur höfðu meðal annars verið þeir Karl og Gunnar.

Arion banki seldi verktakahluta Íslenskra aðalverktaka í mars 2010 til svissneska verktakarísans Marti Holding AG sem hafði átt í samstarfi við Íslenska aðalverktaka hér á landi um árabil. Kaupverðið var 400 milljónir króna en fasteignapróunarverkefni Íslenskra aðalverktaka og þorri skulda þess voru skilin eftir hjá bankanum.

Í ágúst 2010 veitti Marti þeim Karli og Gunnari síðan 200 milljóna kúlulán, á gjald-daga árið 2040, til að þeir gætu hvor um sig keypt fjórðungshlut í eignarhaldsfélaginu Íslenskir aðalverktakar ehf. sem á allar rekstrareiningar fyrirtækisins.

Í desember árið eftir var hlutafé Íslenskra aðalverktaka ehf. aukið um 300 milljónir króna, og sama ár keypti Marti aftur eignarhluti þeirra Karls og Gunnars og gerði upp lán sín við þá eins og áður hefur komið fram.

Eignarhaldsbreytingarnar urðu hins vegar ekki opinberar fyrr en með útgáfu ársreiknings Íslenskra aðalverktaka ehf. fyrir árið 2011 sem var skilað inn til ársreikningaskrár milli jóla og nýárs.

Eignarhaldsfélag Hörpu hagnaðist um 103 milljónir:

Þrjú félög Helga áttu 1,1 milljarð

Eignarhaldsfélag Hörpu hagnaðist um 103,2 milljónir króna á árinu 2011. Félagið hagnaðist um 164,7 milljónir króna árið áður. Félagið er í meirihlutaeigu Helga Magnússonar, formanns stjórnar Lífeyrissjóðs verzlunarmanna, sem á 56 prósent. Bróðir hans, Sigurður Gylfi, á 21 prósent hlut og Þóra Guðrún Óskarsdóttir og börn hennar eiga afganginn. Þessir aðilar erfðu málningarvörufyrirtækið Hörpu og seldu það árið 2004.

Alls nemur virði eigna félagsins

629,8 milljónum króna. Þær hækkuðu á milli ára um tæpar 60 milljónir króna. Á meðal eigna Eignarhaldsfélags Hörpu eru bréf í Marel, en Helgi situr í stjórn þess félags fyrir hönd Lífeyrissjóðs verzlunarmanna, sem er þriðji stærsti eigandi Marel með 7,4 prósent eignarhlut. Helgi er stjórnarformaður lífeyrissjóðsins. Alls nam virði skráðra markaðsbréfa í eigu Eignarhaldsfélags Hörpu 608 milljónum króna í lok árs 2011. Félagið seldi hluti í Marel

í maí 2012 fyrir rúmlega 100 milljónir króna.

Helgi á einnig félögin Varðberg ehf. og Eignarhaldsfélagið Hofgarða. Á meðal eigna þeirra eru hlutabréf í Marel. Samanlagt nam virði allra eigna félaganna tveggja 491 milljón króna í lok árs 2011. Því áttu þessi þrjú félög sem Helgi á í eignir upp á samtals 1.120 milljónir króna í lok árs 2011. Hofgarðar keyptu síðan hlutabréf í Marel fyrir um 75 milljónir króna í apríl 2012.

- þsj

Bless bensín



Nú getur þú fækkað
heimsóknunum á bensínstöðvar.

VOLT
-rafmagnaður

Konur fimmtungur stjórnarmanna

Hlutfall kvenna í stjórnnum íslenskra fyrirtækja hefur hækkað mikið á undanförunum árum. Samt er það einungis um 22 prósent. Konur virðast þó vera eftirsóttar sem varamenn í stjórnnum. Rúmlega helmingur allra varamanna er konur. Tíðni gjaldþrota er lægri hjá þeim fyrirtækjum þar sem konur sitja í stjórn. Ný lög taka gildi í haust.

ATVINNULÍF/FRÉTTASKÝRING

Þóður Snær Júlíusson
thordur@frettabladid.is

Hlutfall kvenna í stjórnnum íslenskra fyrirtækja var 22,06 prósent í september síðastliðnum. Þær eru hins vegar rúmlega helmingur varamanna í stjórnnum þeirra. Þetta kemur fram í samantekt Creditinfo um kynjahlutföll í stjórnnum íslenskra fyrirtækja.

Í samantektinni kemur fram að fjöldi fyrirtækja sé 32.691 talsins og er þá búið að leiðrétta fyrir gjaldþrotum. Alls sitja 11.282 konur í stjórnnum fyrirtækjanna en 38.794 karlar. Hæst er hlutfall kvenna hjá félagsamtökum og annarri þjónustustarfsemi, eða 52,01 prósent. Það er hins vegar eini atvinnugreinaflokkurinn þar sem konur eru meirihluti stjórnarmanna. Það er líka eini flokkurinn þar sem skilyrði laga um að hlutfall hvors kyns í stjórnnum fyrirtækja þurfi að vera yfir 40 prósent, en þau taka gildi í september á þessu ári, eru uppfyllt. Vert er að taka fram að sá kvóti mun einungis eiga við um þau fyrirtæki sem eru með fleiri en 50 starfsmenn, en samantekt Creditinfo nær til allra fyrirtækja.

Þrjú prósent hjá verkstæðum

Lægst er hlutfall kvenna í stjórn fyrirtækja sem vinna við námugróft eða vinnslu hráefna úr jörðu, eða 8,33 prósent. Innan þess atvinnuflokks voru einungis sex af 36 stjórnarmönnum konur. Þá segir í samantektinni að „þrátt fyrir að hlutfall kvenna sé um 28% í flokknum „Heild- og smásöluverslun, viðgerðir á vélknúnum ökutækjum“ þá er sú hlutdeild aðallega komin vegna stjórnarsetu í heild- og smásöluverslunum, einungis 67 konur eru í stjórnnum almennra bílaverkstæða“. Alls falla 5.027 fyrirtæki í þennan flokk og í þeim eru alls 2.179 konur í stjórnnum. Því eru einungis um þrjú prósent þeirra í stjórnnum bílaverkstæða.

Svipað alls staðar á landinu

Hlutfall kvenna í stjórnnum virðist svipað þegar horft er á það út frá landsvæðum. Flestar konur eru í stjórnnum, en þar er hlutfallið 25,14 prósent. Fæstar konur eru í stjórnnum á Vestfjörðum, en 19,85 prósent stjórnarmanna fyrirtækja þar eru konur. Á höfuðborgarsvæðinu, þar sem um 70 prósent allra fyrirtækja eru staðsett, er hlutfall kvenna í stjórnnum 22,09 prósent, eða nánast



SKAMMT TIL STEFNU Í september næstkomandi taka gildi lög sem skylda stór fyrirtæki og lífeyrissjóði til að tryggja að hlutfall hvors kyns í stjórnnum þeirra sé ekki lægra en fjórútiú prósent. Myndin er tekin á ráðstefnunni „Virkjum karla og konur“ sem haldin var í fyrra.

nákvæmlega það sama og landsmeðaltalið.

Þegar varamenn í stjórnnum eru skoðaðir réttist hlutur kvenna umtalsvert, en 50,44 prósent varamanna eru konur. Alls eru varamenn í stjórnnum 28.225 talsins. Hæsta hlutfall kvenna á meðal varamanna er í flokknum heilbrigðis- og félagsþjónusta. Þar eru 62,2 prósent 809 stjórnarmanna konur. Staða kvenna sem varamanna er verst í flokknum „Vatnsveita, fráveita, meðhöndlun úrgangs og afmengun“. Einungis 35,7 prósent varamanna í þeim 70 fyrirtækjum sem falla í þann flokk eru konur.

Konur í varamannastöðum eru hlutfallslega flestar á Vesturlandi, en 52,57 prósent varamanna í stjórnnum fyrirtækja á því landssvæði eru konur. Hlutfallslega fæstar konur komast að sem varamenn á Norðurlandi eystra, en þær eru 44,09 prósent varamanna á því svæði. Líkt og með aðalmenn þá er hlutfall kvenna sem sitja sem varamenn í fyrirtækjum á höfuðborgarsvæðinu nánast það sama og landsmeðaltalið, eða 50,39 prósent.

Færri verða gjaldþrota með konur í stjórn

Tíðni gjaldþrota hefur aukist á Íslandi eftir bankahrun og umræða um þau verið hávær á undanförunum misserum. Creditinfo kannaði því einnig hvort það væri mikill munur á tíðni gjaldþrota þar sem konur voru helmingur eða meirihluti stjórnar annars vegar og stjórnnum þar sem konur voru í minnihluta hins vegar.

Í niðurstöðu könnunarinnar kemur fram að tíðni gjaldþrota sé mest í greinum tengdum fasteignamarkaðinum. Í samantektinni segir síðan að „annað merkilegra er að tíðni gjaldþrota er í öllum flokkum nema tveimur tilvikum lægri þar sem konur eru í meirihluta stjórnar. Einungis í flokknum „flutningar og geymsla“ og „landbúnaður, skógrækt og fiskveiðar“ er tíðni gjaldþrota hærri“.

Tæpur helmingur jákvæður

KPMG stóð fyrir könnun á meðal stjórnarmanna í félögum og lífeyrissjóðum landsins haustið 2012. Á meðal þess sem spurt var um var afstaða þeirra til löggjafar um 40 prósentu lágmarks-hlutfall hvors kyns í stjórnnum stórra fyrirtækja og lífeyrissjóða sem tekur gildi næsta haust. Niðurstaða könnunarinnar var sú að 46 prósent þeirra stjórnarmanna sem tóku þátt voru jákvæð gagnvart löggjöfinni en 30 prósent voru neikvæð. Ekki ætti að koma á óvart að 76 prósent kvenkyns stjórnarmanna höfðu jákvæða afstöðu gagnvart löggjöfinni en einungis 34 prósent karlkyns stjórnarmanna. Þá höfðu 11 prósent kvenna og 38 prósent karla neikvæða afstöðu gagnvart henni. Eldri stjórnarmenn virðast hafa jákvæðari afstöðu í málinu en þeir sem eru yngri og stjórnarmenn í fjármálafyrirtækjum og váttryggingarfélögum virðast vera jákvæðari gagnvart löggjöfinni en stjórnarmenn í öðrum geirum. Alls höfðu 57 prósent þeirra jákvæða afstöðu og 23 prósent þeirra voru neikvæð gagnvart kynjakvótanum.

ÚR TÍU PRÓSENTUM Í 22 PRÓSENT

Hulda Bjarnadóttir, framkvæmdastjóra Félags kvenna í atvinnulífinu (FKA), segir þróunina vera að þökast í rétta átt. „Árið 2009, þegar FKA, Samtök atvinnulífsins og Viðskiptaráð ákváðu að hrinda úr vör hvatningu til atvinnulífsins í þessum málum þá voru bara tíu prósent stjórnarmanna konur. Það er vissulega eitthvað að þökast en er þó ekki komið lengra á veg, þrátt fyrir yfirvofandi löggjöf og alla þá miklu herferð sem ráðist hefur verið í til að laga þetta.“

Í mars síðastliðnum kom fram í fjölmiðlum að það vantaði 211 konur í stjórnir þeirra 285 fyrirtækja og 32 lífeyrissjóða sem þá féllu undir löggjöfina sem skyldar öll fyrirtæki með fleiri en 50 starfsmenn til að tryggja að hlutfall hvors kyns í stjórnnum þeirra sé ekki undir 40 prósentum. Hulda segir að enn vanti um 200 konur í þessar stjórnir, en tekur fram að vinna sé í gangi við að aðlaga löggjöfina




HULDA BJARNADÓTTIR.

betur að íslenskum aðstæðum. „Það er verið að vinna að einhverri meðalleið sem hentar betur íslenskum markaði því það falla ansi mörg fyrirtæki undir það að vera með 50 starfsmenn. Sum þeirra eru lítil fjölskyldufyrirtæki í rekstri sem slík og taka kannski marga starfsmenn inn tímabundið á ári. Það er því verið að vinna í því að bæta löggjöfina þannig að færri fyrirtæki muni falla undir hana.“

Henni finnst stóru fyrirtækin og lífeyrissjóðirnir sem löggjöfin mun klárlega ná til vera að bregðast við með réttum hætti, allavega í orði. „En svo sjáum við tækifærin renna úr greipum þeirra sem eru í stjórnarskiptum þessa dagana. Þetta er tímabilið þar sem tækifæri gefst til að vinna á þessu. Mér finnst leiðinlegt að sjá að fyrirtæki og lífeyrissjóðir eru enn að láta þetta tækifæri út greipum sér renna, sérstaklega þegar svona skammt er þar til lögin taka gildi.“

Aðfluttir umfram brottflutta – rauntölur og spá



Halló Volt



Framtíðin er rafmögnuð og heitir Chevrolet Volt.
Við bjóðum vistvæna íslenska raforku velkomna í umferðina.

**Komdu í Chevrolet salinn Tangarhöfða 8
og reynsluaktu framtíðinni.**



Hin hliðin

GUÐRÚN HÖGNADÓTTIR,
FRAMKVÆMDASTJÓRI
FRANKLINCOVEY.



Ný(r) og betri!

Heimsendir skalt á okkur á vetrarsól-
stöðum án tilheyrandi jarðskjálfta,
ofsafllóða og þrumuveðurs. Eða
hvað? Majarnir boðuðu ekki harm-
leik – þvert á móti markaði endalok
dagatals þeirra nýtt vitundarstig. Upp-
lýstrar tilveru og nýrrar þekkingar og
sáttar. Nýs upphafs.

Upphafs sem hefst með þér á
þessum áramótum í gregorískum
skilningi. Hvaða nýi veruleiki blasir
við þér? Margir hafa haldið því fram
að í raun breytumst við lítið. Lífum og
hrærumst í sömu fjölskylduböðunum,
í sömu flækjunum, með sömu hugs-
anir ævilangt. Vissir þú að líkaminn
endurnýjar flestar frumur sínar á 7-10
ára fresti? Nýjar rannsóknir sýna að
meira að segja hluti heilafrumna
fjölga sér. Ný(r) þú – alveg án fyrir-
hafnar! Er ekki tími kominn til að taka
stjórn á þinni umbreytingu og gera
góða hluti enn betur?

Áramót eru klassískur tími endur-
skoðunar og nýrrar markmiðasetn-
ingar. Hvernig væri að taka nýja sýn
á þitt líf í þessari viku og leita þinna
svara við nokkrum öflugum spurn-
ingum?

Segðu nei og meintu það!

Við erum ósött af áreitum í dagsins
önn og reynum í okkar „dugnaði“ að
bregðast við þeim öllum. Svára tölvu-
póstum í tugatali fyrir hádegi, sækja
fundina tuttugu og sjö fyrir vikulok,
taka samtölin, skila skýrslunum,
sækja börnin, sprikla, halda dauðataki
í snjallsímann sem gæti hringt, hrist
eða hríslað inn nýjum fyriræmum
sem við að sjálfsgöðu fylgjum.
Rannsóknir sýna að áráttu okkar í að
grípa í símann til að taka stöðuna
er sterkari fíkn en fíknin í sigarettu.
Hvert erum við eiginlega komin á
tölvuöld? Hefur tæknin endanlega
tekið völdin? Taktu þér tak í góðu
tömi og tengdu þig við það sem er
þér í raun mikilvægt. Og sinntu þeim
málum af ákafa. Láttu hin áreitun eiga
sig.

Leiktu hlutverkið til fulls

Lífið er margbreytilegt. Við lifum og
hrærumst í mörgum hlutverkum
dagsdaglega. Við erum foreldrar,
starfsmenn, íþróttáþjálfarar, stjórnar-
menn, dætur, vinir, nemar. Rann-
sóknir sýna að heilinn nær betur
tökum á veruleikanum ef við hugsum
skipulega í hólfum, líkt og leikari
á sviði. Eitt hlutverk af fullri sann-
færingu í einu. Taktu þér stund og
skilgreindu þín hlutverk. Takmarkaðu
fjölda þeirra við fimm til sjö. Hafðu
síðan kjarkinn til að stíga að fullu inn
í það hlutverk í hvert sinn sem lífið
kallar á það. Hættu að vera öllum allt.

Horfðu til stjarnanna

Skoraðu á þig í ár – ekki sætta þig
við meðalmennsku. Hverjar eru þínar
fyrirmyndir? Hvernig lítur fullkominn
heimur út? Ætlar þú að feta í fótspor
forgöngumanna eða ætlar þú að
teygja þig til stjarnanna og ná þannig
til tunglsins? Hafðu kjarkinn til að
standa á öxlum þeirra bestu. Settu
markið hátt í ár. Í hverju hlutverki.
Vertu til fyrirmyndar. Og uppskerðu
sem aldrei fyrr!

Mikið úrval af hentugu vinnurými

TIL LEIGU

Laugavegur 182
105 Reykjavík



- Glæsileg 733 m² skrifstofuhæð sem skiptist í opið rými og skrifstofur.
- Vandaðar innréttingar, steinteppi á gólum.
- Frábært útsýni, næg bílastæði og möguleiki á stæðum í lokaðri bílageymslu.

TIL LEIGU

Ármúli 7
108 Reykjavík



- Fjölbreytt skrifstofuhúsnæði á þremur hæðum og verslunarhúsnæði á jarðhæð.
- Næg bílastæði, miðlæg staðsetning í Reykjavík, samtals 2.248 m².
- Opin vinnurými, skrifstofur og fundarherbergi. Laust strax.

TIL LEIGU

Suðurlandsbr. 24
108 Reykjavík



- Fjölbreytt skrifstofu- og verslunarhúsnæði á jarðhæð.
- Bílageymsla og næg bílastæði, hentug staðsetning.
- Stærð u.þ.b. 986 m², laust strax.

www.reitir.is

REITIR

Vönduð umgjörð fyrir vinnandi fólk



Nánari upplýsingar veitir
Halldór Jónsson
840 2100
halldor@reitir.is

Reitir fasteignafélag er stærsta þjónustufyrirtækið á sviði útleigu atvinnuhúsnæðis
á Íslandi. Reitir hafa yfir að ráða fjölbreyttu fasteignasafni sem samanstendur af um
130 fasteignum sem staðsettar eru víðsvegar um landið.

SHARP



SHARP SJØDSVÉL
XE-A113B
32 vöruflokkar
Allt að 200 PLU númer
Rafrænn innri strímill 3000 línur
Sjálfvirk dagsetning og tími
Hitaprentun
Íslenskur strímill
Rafrænn innri strímill
Mjög auðveld í forritun

Kr. 54.900,-



SHARP SJØDSVÉL
XE-A207B
99 vöruflokkar
Allt að 2000 PLU númer
Rafrænn innri strímill 9000 línur
Stór LCD skjár
SD kortarauf – hægt að
flytja gögn yfir á PC
Sjálfvirk dagsetning og tími
Hitaprentun
Íslenskur strímill

Kr. 69.900,-



SHARP
SJØDSVÉL
XE-A307
99 vöruflokkar.
Allt að 10.000 PLU númer.
SD kortarauf – hægt að flytja gögn yfir á PC
Sjálfvirk dagsetning og tími
Hitaprentun
Íslenskur strímill
Mjög auðveld í forritun

Kr. 89.900,-

ORMSSON

LÁGMÚLA 8 · SÍMI 530 2800
www.ormsson.is

SHARP
E Ð A L V É L